

ქ. თბილისი

16 იანვარი 2017 წელი

მხარეები:

ერთის მხრივ შპს „ქართლის ქარის ელექტროსადგური“ შემდგომში წოდებული როგორც „შემსყიდველი“, წარმოდგენილი მისი დირექტორთა საბჭოს თავმჯდომარის, თორნიკე ყაზარაშვილის სახით, და მეორეს მხრივ, შპს „ელ ინდასტრი ჯორჯია“ წარმოდგენილი მისი დირექტორის ემზარ ჩახხიანის სახით, წოდებული როგორც „მიმწოდებელი“;

“შემსყიდველი” და “მიმწოდებელი” ცალ-ცალკე მოხსენიებულნი არიანი როგორც მხარე, ხოლო ერთობლივად როგორც მხარეები;

მხარეები ემოქმედებთ რა “სახელმწიფო შესყიდვების შესახებ” საქართველოს კანონის მე-3 მუხლის პირველი პუნქტის ს<sup>1</sup> ქვეპუნქტის და საქართველოს მოქმედი კანონმდებლობის შესაბამისად, ვდებთ წინამდებარე მომსახურების ხელშეკრულებას (შემდგომში “ხელშეკრულება”) და ვთანხმდებით შემდეგზე:

**1. ხელშეკრულების საგანი**

- 1.1 წინამდებარე ხელშეკრულების მოქმედების ვადის განმავლობაში მიმწოდებელი კისრულობს ვალდებულებას გაუწიოს შემსყიდველს ლაბორატორიული მომსახურება (CPV 71900000) წინამდებარე ხელშეკრულების დანართი №1-ის (ინვოისი) შესაბამისად.
- 1.2 შემსყიდველი ვალდებულებას კისრულობს, მიიღოს შესრულებული სამუშაო და გადაუხადოს შემსრულებელს ხელშეკრულებით გათვალისწინებული მომსახურების ღირებულება წინამდებარე ხელშეკრულების დანართი №1-ს (ინვოისი) შესაბამისად.

**1. მხარეები აცხადებენ და გარანტიას იძლევიან, რომ:**

- 2.1 მხარეებს გააჩნიათ იურიდიული უფლებამოსილება, იკისრონ წინამდებარე ხელშეკრულებით გათვალისწინებული ვალდებულებები და მიიღონ ყველა საჭირო ზომა ამ ხელშეკრულების ძალაში შესვლისა და შესრულების მიზნით.
- 2.2 მიმწოდებელი აცხადებს, რომ მას გააჩნია სათანადო კვალიფიკაცია და გამოცდილება, წინამდებარე ხელშეკრულებით ნაკისრი ვალდებულებების შესასრულებლად.
- 2.3 წინამდებარე ხელშეკრულება ხელმოწერილია მხარეების მიერ შესაბამისი წესით და წარმოადგენს იურიდიულად სავალდებულო დოკუმენტს.
- 2.4 მიმწოდებელი იღებს ვალდებულებას, რომ გაწეული მომსახურების ხარისხი პასუხობს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 2.5 ხელშეკრულებით გათვალისწინებული მომსახურების ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.
- 2.6 მიმწოდებელი იძლევა გარანტიას, რომ წინამდებარე ხელშეკრულებით მითითებულ მომსახურებას არ გააჩნია რაიმე ნაკლი. წინააღმდეგ შემთხვევაში, მიმწოდებელი თავისი ხარჯითა და პასუხისმგებლობით უზრუნველყოფს არსებული მომსახურების შეცვლას ახლით შემსყიდველის მიერ ნაკლის გამოვლენის თაობაზე მისთვის (მიმწოდებლისთვის) გაგზავნილი წერილობითი შეტყობინების მიღებიდან არაუგვიანეს 3 (სამი) დღისა.
- 2.7 მომსახურების ნაკლის გამო წარმოშობილი პრეტენზიის წარდგენის პირობები, ისევე როგორც სხვა ურთიერთობები, რეგულირდება წინამდებარე ხელშეკრულებითა და საქართველოს სამოქალაქო კოდექსით.
- 2.8 მომსახურების დაგვიანებით მიწოდების შემთხვევაში, მიმწოდებელი ვალდებულია გადაიხადოს პირგასამტეხლო მოთხოვნილი მოუწოდებელი მომსახურების

ღირებულების 0.02%-ის ოდენობით ყოველი გადაგადაცილებული კალენდარული დღისთვის.

- 2.9 შემსყიდველის მიერ ანგარიშსწორების ვადის გადაცილების შემთხვევაში მიმწოდებელს უფლება აქვს დააკისროს შემსყიდველს პირგასამტეხლოს გადახდა ყოველ გადაგადაცილებულ სამუშაო დღეზე გადასახდელი თანხის 0.02%-ის ოდენობით.
- 2.10 მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას მოქმედი კანონმდებლობით და წინამდებარე ხელშეკრულებით დადგენილი წესით.
- 2.11 მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში, მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ შეწყვიტოს წინამდებარე ხელშეკრულება. საქართველოს სამოქალაქო კანონმდებლობით გათვალისწინებულ შემთხვევებში, მხარე უფლებამოსილია შეწყვიტოს ხელშეკრულება აღნიშნული შეტყობინების გარეშე.
- 2.12 მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 2.13 მიმწოდებლის მიერ წინამდებარე ხელშეკრულების პირობების დარღვევის შემთხვევაში მის მიერ ჯარიმისა და პირგასამტეხლოს გადახდა არ ათავისუფლებს მას ხელშეკრულებით გათვალისწინებული ვალდებულებების შესრულებისგან.
- 2.14 ხელშეკრულებიდან ვადამდე გასვლასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კანონმდებლობა.

## 2. მხარეთა ვალდებულებები:

### 3.1. მიმწოდებელი ვალდებულია:

- 3.1.1. ხარისხიანად და ჯეროვნად განახორციელოს ხელშეკრულებით გათვალისწინებული სამუშაო; სამუშაოს შესრულებისას გამოიყენოს შესაბამისი ხარისხის ინსტრუმენტები.
- 3.1.2. აცნობოს შემსყიდველს იმ გარემოებების შესახებ, რომლებიც აფერხებენ მისი ვალდებულებების დროულად შესრულებას.
- 3.1.3. რეგულარულად მიაწოდოს შემსყიდველს ინფორმაცია სამუშაოს მიმდინარეობის შესახებ.
- 3.1.4. სამუშაოს სრულად განხორციელების შემდეგ მიღება-ჩაბარების აქტის საფუძველზე ჩააბაროს შემსყიდველს შესრულებული სამუშაო წინამდებარე ხელშეკრულების მე-4 პუნქტით განსაზღვრულ ვადაში.
- 3.1.5. შესრულებული სამუშაოს ჩაბარებისა და შესაბამისი მიღება-ჩაბარების აქტის გაფორმებიდან 3 (სამი) თვის განმავლობაში მოქმედებს საგარანტიო ვადა. აღნიშნული ვადის განმავლობაში თუ შესრულებული სამუშაო აღმოჩნდება ნაკლის მქონე, მიმწოდებელი ვალდებულია საკუთარი ხარჯით უზრუნველყოს ნაკლის/დაზიანების გამოსწორება გონივრულ ვადაში.
- 3.1.6. შემსყიდველი ვალდებულია:
  - 3.2.1. მოახდინოს ანგარიშსწორება მიმწოდებელთან წინამდებარე ხელშეკრულების ანგარიშსწორების წესის შესაბამისად.
  - 3.2.2. მიღება-ჩაბარების აქტის საფუძველზე მიიღოს შესრულებული სამუშაო.



#### 4. სამუშაოს შესრულების ვადა

მიმწოდებელი 1.1 მუხლით გათვალისწინებულ სამუშაოს შესრულებას უზრუნველყოფს შემსყიდველთან წინამდებარე ხელშეკრულების გაფორმებიდან (2017 წლის 16 იანვარი) არაუგვიანეს 2017 წლის 20 იანვრისა.

#### 5. ხელშეკრულების ღირებულება და ანგარიშსწორების წესი

- 5.1. წინამდებარე ხელშეკრულებით გათვალისწინებული მომსახურების ღირებულება განისაზღვრება 2 734.52 (ორი ათას შვიდას ოცდათოთხმეტი ლარი და 52 თეთრი) ლარის ოდენობით. კანონმდებლობით გათვალისწინებული გადასახადების ჩათვლით.
- 5.2. მხარეთა შორის ანგარიშსწორება წარმოებს უნაღლო ანგარიშსწორების ფორმით.
- 5.3. ანგარიშსწორების განსახორციელებლად მიმწოდებელმა უნდა წარმოადგინოს შემდეგი დოკუმენტები: ა) მიღება-ჩაბარების აქტი; ბ) საგადასახადო ანგარიშ-ფაქტურა. ანგარიშსწორება მიმწოდებელთან წარმოებს 5.3 მუხლით გათვალისწინებული დოკუმენტების წარმოდგენიდან 5 (ხუთი) სამუშაო დღის განმავლობაში.

#### 6. განსაკუთრებული პირობები


- 6.1. მხარეები თანხმდებიან, რომ წინამდებარე ხელშეკრულების შესრულების პროცესში წამოჭრილ სადაო საკითხებს გადაჭრიან ურთიერთშეთანხმებით და მხოლოდ უკიდურეს შემთხვევაში მიმართავენ საქართველოს სასამართლოს.
- 6.2. თითოეული მხარე ვალდებულია, უპირობოდ და სრულიად აუნაზღაუროს მეორე მხარეს თავისი ქმედებით – ვალდებულებათა შეუსრულებლობით, არასრული/არაჯეროვანი შესრულებით, არაკეთილსინდისიერი ან/და გაჭიანურებული შესრულებით მიყენებული ზიანი წინამდებარე ხელშეკრულებითა და საქართველოს კანონმდებლობით დადგენილი წესით.

#### 7. ფორს-მაჟორი

- 7.3. მხარეები თავისუფლდებიან პასუხისმგებლობისაგან ხელშეკრულებით განსაზღვრული ვალდებულების შეუსრულებლობისაგან თუ ისინი გამოწვეულია დაუძლეველი ძალის შედეგად (წყალდიდობით, მიწისძვრით, გაფიცვით, სამხედრო მოქმედებით, ბლოკადით, ადმინისტრაციულ-სამართლებრივი აქტით და ა.შ.) და თუ ეს მოვლენა დაიწყო ან განვითარდა ხელშეკრულების ხელმოწერის შემდეგ.
- 7.4. მხარე, რომელიც ვერ ასრულებს ნაკისრ ვალდებულებებს დაუძლეველი ძალის გარემოებათა გამო ვალდებულია ამის შესახებ აცნობოს მეორე მხარეს დაუყოვნებლივ.
- 7.5. თუ აშკარაა, რომ წინამდებარე ხელშეკრულების მოქმედების პერიოდში მხარე დაუძლეველი ძალის ზემოქმედების გამო ვერ ასრულებს ნაკისრ ვალდებულებებს, მხარეები ცალკე შეთანხმდებიან ამ ხელშეკრულების შესრულების პირობებსა და ვადებზე.

#### 8. ხელშეკრულების მოქმედების ვადა

- 8.3. წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან (2017 წლის 16 იანვარი) და მოქმედებს 2017 წლის 30 მარტის ჩათვლით.



8.4 ხელშეკრულება შეიძლება ვადაძღვე შეწყდეს მხარეთა შეთანხმებით, რომელიმე მხარის მიერ წინამდებარე ხელშეკრულების პირობების განზრახ ან უხეში გაუფრთხილებლობით დარღვევისას ან/და კანონმდებლობით გათვალისწინებულ სხვა შემთხვევებში.

9 დასკვნითი დებულებები

- 9.1 მხარეებს შორის ამ ხელშეკრულებით გათვალისწინებული ურთიერთობები რეგულირდება საქართველოს მოქმედი კანონმდებლობის შესაბამისად.
- 9.2 წინამდებარე ხელშეკრულების ნებისმიერი ცვლილება ან/და დამატება ძალაშია თუ იგი შესრულებულია წერილობით და ხელმოწერილია მხარეთა მიერ.
- 9.3 ხელშეკრულების პირობების გადასინჯვასთან დაკავშირებული ურთიერთობები რეგულირდება საქართველოს სამოქალაქო კოდექსით
- 9.4 შემსრულებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად დამკვეთისთვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 9.5 წინამდებარე ხელშეკრულება გაფორმებულია ორი თანაბარი იურიდიული ძალის მქონე ეგზემპლარად ქართულ ენაზე, რომელთაგან თითო ეგზემპლარი გადაეცემათ მხარეებს.

10 მხარეთა რეკვიზიტები და ხელმოწერები

შემსყიდველი

შპს “ქართლის ქარის ელექტროსადგური”

ს/კ 404957338

მისამართი: ბარათაშვილის ქ.№8, 0105 თბილისი

საბანკო რეკვიზიტები: ბანკი რესპუბლიკა  
SWIFT: REPLGE22  
ა/ნ GE11BR0000010061775786

მიმწოდებელი

შპს “ელ ინდასტრი ჯორჯია”

ს/კ 204414366

მისამართი: ძველი თბილისის რაიონი, კოსტავას ქ. I შესახვევი №33, თბილისი

საბანკო რეკვიზიტები: თი ბი სი ბანკი  
SWIFT: TBCBGE22  
ა/ნ GE53TB0784336030100002

დირექტორთა საბჭოს თავმჯდომარე

თორნიკე ყაზარაშვილი



დირექტორი

გიორგი ჩაჩხიანი

